

## Was merr su babbeld

Honnes, wer hodden oogerufe?  
Ei de Schorsch.  
Was wollder donn?  
Weesche dere Maria Geburt.  
Was issen mett dere?  
Isch hädd geschriwwe, die wär omm Neunte.  
Unn?  
Die wär omm Achde.  
Dess hotts Mariesche aach gesaad.  
Donn duts stimme.  
Was hosdem Schorsch ze Antwort gewwe?  
Der Daach misst verschowe werrn.  
Unn warum?  
Weesche dem Klima.  
Weesche dem Klima?  
Ja, ess dut wärmer werrn.  
Unn?  
Donn flieh die Schwalwe späder furt.  
Doo hosde recht.  
Wonn esse merrn?  
Gleich, die Deller sinn schunn uffem Disch.  
Ah ja. Iss heit enn Feierdaach?  
Heit? Naa. Warum?  
Weilde die sunndaachse Deller genumme host.  
Unn dess sunndaachse Besteck.  
Warum donn dess?  
Dess mach isch jetz effderr.  
Die Sache wolde merr doch all vererbe.  
Ja, wollde merr.  
Unn?  
Waaßde was die Kinner mett de Deller mache?  
Sunndaachs uff de Disch stelle.  
Dess moonst aach nor Du.  
Dut dess nitt stimme?  
Honnes, unser Deller sinn unmodern.  
Awwer dess scheene chinesische Porzellan.  
Zählt nitt. Die neimodische Forme makes.  
Die Forme?  
Ja. Heit duts eckische, längliche, sceppe ...  
Aach sceppe?  
Ja, aach sceppe Deller duts gewwe.  
Also will kooner unser Deller hawwe. Heechsdens ...  
Was heechsdenns?  
Heechsdens zum Uffwerfe beim Poldern.

Also numme merr jetz immer die gude Deller.  
Nitt immer. Awwer su ab unn zu.  
Was kenne merr donn iwverhaupt vererbe?  
Unser Gespartes vielleicht?  
Grad dess vererbe merr nitt.  
Nitt?  
Isch waaß aach schunn wie merr dess mache.  
Unn wie?  
Mir giehn jetz jeden Daach in die Werrtschaft.  
Zum Esse?  
Zum Esse unn Drinke  
Ach Honnes, was sollen dess?  
Was dess soll?  
Ja.  
Wennse unser Deller nitt hawwe wolle ...  
Kriehnse aach koo Geld. Moonsde dess?  
Ja. Was rieschden su?  
Josses naa, moi Kadoffele sinn ogebrennd.  
Unn nor weesche dene Deller.

Eiern Honnes